

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO – TUŽITELJSTVO
ZENIČKO-DOBOJSKOG KANTONA

Broj: T04 0 KTRZ 0051794 23
Zenica, 13.04.2023. godine

KANTONALNI SUD U ZENICI
-Sudiji za prethodno saslušanje-

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije Bosne i Hercegovine, p o d i ž e m

O P T U Ź N I C U

Protiv:

BREŠIĆ ROBERTA, 1969. godište, iz Livna, neosuđivan,

što je:

Za vrijeme rata i oružanog sukoba u Bosni i Hercegovini između Armije Republike Bosne i Hercegovine i Hrvatskog vijeća odbrane s jedne strane i vojske Srpske Republike Bosne i Hercegovine s druge strane, kao pripadnik Vojne pošte 1766 Hrvatskog vijeća odbrane, postupao protivno pravilima Međunarodnog humanitarnog prava kršeći odredbe člana 3. stav 1. tačka a) Ženevske konvencije o zaštiti građanskih lica za vrijeme rata od 12.08.1949. godine, tako što je lišio života dva lica Srpske nacionalnosti A. R., zvani „...“ i njegovog sina D. na način da je:

Dana 24.07.1992. godine, u večernjim časovima, zajedno sa drugim pripadnicima HVO-a – HOS-a, vozilom došao do zgrade na adresi ... u Maglaju, u kojoj su bili nastanjeni A. R., zvani „...“ i njegov sin A. D., nakon čega su A. D. doveli do vrata stana N. V., te potom pozvonili na vrata pomenutog stana naredivši N.D., koji je otvorio vrata stana, da iz stana pozove A. R., a nakon što je isti izašao osumnjičeni Robert Brešić je zajedno sa drugim pripadnicima HVO-a – HOS-a A. R. i njegovog sina D. odveo uz stepenice do njihovog stana, da bi nakon kraćeg vremena, u namjeri da iste liše života, odvezli u pravcu mjesta Tujnice, općina Maglaj, gdje su ih hitcima iz vatrenog oružja lišili života,

dakle, za vrijeme rata i oružanog sukoba, kršeći pravila Međunarodnog prava izvršio ubistvo dva civilna lica Srpske nacionalnosti,

čime je počinio krivično djelo Ratni zločin protiv civilnog stanovništva iz člana 142. stav 1. u vezi sa članom 22. preuzetog Krivičnog zakona SFRJ.